

LORD BOXOE A FAYECE AYERA

ORANJESTAD(AAN):--

Ayera merdia Aruba a ser conmovi ora cu diripiente a core e noticia di cu Aruba a perde su **"Lord Boxoe"**.

Lord Boxoe, segun datonan a sinti su mes malo durante siman y ayera tambe a sinti su mes malo na dado momento, y despues el a bin fallece.

Irad Alexander Illidge **"Lord Boxoe"** pa mas di cuarenta aña a alegra publico

Arubano cu su canto. Un cantante cu a cuminsa como mucha, tabata masha popular den su barrio Juana Morto den su infancia y den su adolescencia como cantante di calypso y e tempo ey tambe como cantante di cancionnan popular ingles y latino.

El a desarolla su mes den cantante di calypso y na varios ocasion tabata e **"Rey di Calypso"** y tambe **"Rey di Roadmarch"** riba nos isla. E

tabata descubridor di varios talento di calypso riba nos isla, y por menciona **"Mighty Talent"** como un di nan y cu despues a bira rival grandi den competencia pa su mentor.

Lord Boxoe semper tabata un cantante cu a **"canta pa su pueblo"**. Gana of perde un concurso, semper e ta bisa cu **"mi pueblo a gana cu mi cancion"**.

Como veterano di calypso,

principalmente e ultimo diez añanan, semper el a keda wordo aprecia y admira rond di nos isla y unda cu el a presenta..

E semper a presenta un estilo unico den su roadmarchnan y calypsonan, tin biaha

hasta tabata ser bisa cu e ta mucho conservador, sinembargo el a logra impone aña tras aña.

Lord Boxoe a bay , pero su cancionnan graba, tanto riba disco, como riba cassetenan lo keda conserva, pasobra semper e tabata **"grandi"** den

su tereno, **"canto di calypso y roadmarch"** , y tabata goza di popularidad enorme

no solamente na Aruba, pero tambe na Curacao, Bonaire, islanan ariba y algun di e islanan di calypso den Caribe